



Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO:	31-01-2019
Org. j.d. broj	Prilog
01-05-05-149/19	201

Bosnia and Herzegovina
Federation of Bosnia and Herzegovina
CANTON SARAJEVO
ASSEMBLY

Broj: 01-02-1656/19
Sarajevo, 29.01.2019. godine

GRAD SARAJEVO
GRADSKO VIJEĆE
SARAJEVO

Predmet: Javna rasprava o Nacrtu Zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo, dostavlja se.

Skupština Kantona Sarajevo je, na Trećoj sjednici održanoj dana 23.01.2019. godine, utvrdila javnu raspravu o Nacrtu Zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo i donijela Zaključak da se provede javna rasprava.

U prilogu vam dostavljamo Zaključak, a Nacrt Zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo, možete pronaći na web-stranici <http://skupstina.ks.gov.ba> s tim da eventualne primjedbe, prijedloge i mišljenja dostavite Vladi Kantona Sarajevo u roku od 60 dana.

DOSTAVLJENO:

1. Predsjedavajući SKS
2. Zamjenik predsjedavajućeg V. Handžić
3. Zamjenica predsjedavajućeg D. Kristić
4. Zamjenica predsjedavajućeg S. Viteškić
5. Po spisku Ministarstva pravde i uprave
(U prilogu spisak)
6. Ured za kvalitet
7. Sekretar Skupštine Kantona Sarajevo
8. Sekretar Vlade Kantona Sarajevo
9. Dokumentacija sjednice
10. a/a



PO OVLAŠTENJU SEKRETAR

Almira Kulowac Šetkić dipl. pravnik

Pripremila: Jasmina Varka



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1





Na osnovu člana 140. Poslovnika Skupštine Kantona Sarajevo („Službene novine Kantona Sarajevo“ broj: 41/12 - Drugi novi prečišćen tekst, 15/13, 47/13, 47/15 i 48/16), Skupština Kantona Sarajevo, na sjednici održanoj dana 23.01.2019. godine, donijela je slijedeći

ZAKLJUČAK

1. Utvrđuje se Nacrt Zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo.

2. Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajaće 60 dana.

3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.

4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja kao i da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo.

Broj:01-02-1656/19
23.01.2019. godine
S A R A J E V O

PREDSJEDAVAJUĆI
SKUPŠTINE KANTONA SARAJEVO

Elmedin Konaković





Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo" br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana 23.01.2019. godine, utvrdila je

(NACRT)

ZAKON
O PRIJAVLJIVANJU, UTVRĐIVANJU PORIJEKLA I KONTROLI
IMOVINE IZABRANIH I IMENOVANIH DUŽNOSNIKA, NOSILACA
IZVRŠNIH FUNKCIJA I SAVJETNIKA U KANTONU SARAJEVO

POGLAVLJE I – OPĆE ODREDBE

Član 1.

(Predmet zakona)

- (1) Zakonom o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika Kantona Sarajevo (u daljem tekstu: Zakon) se utvrđuje obaveza izabranih i imenovanih dužnosnika, nosilaca izvršnih funkcija i savjetnika da prijave imovinu, prihode i porijeklo tih prihoda, poklone, dužnosti i obaveze organa koji vrši sprovođenje ovog Zakona te nadzornog tijela koje kontroliše dosljedno sprovođenje Zakona.
- (2) Ovim Zakonom se utvrđuje raspodjela nadležnosti, nadzora i provedbe obaveza vezanih za prijavu i kontrolu imovine, način vođenja evidencije imovine, obaveze vezane za prijavu imovine, prihoda, materijalne dobiti i finansijskih obaveza, kontrola prijavljenih podataka, registracija i čuvanje pohranjenih podataka te kaznene odredbe u slučaju kršenja odredbi ovog Zakona.

Član 2.

(Principi djelovanja)

- (1) Izabrani i imenovani dužnosnici, nosioci izvršnih funkcija i savjetnici u vršenju javnih funkcija moraju postupati zakonito, efikasno, nepristrano, časno, te se pridržavati principa odgovornosti, poštenja, savjesnosti, otvorenosti i vjerodostojnosti.
- (2) Izabrani i imenovani dužnosnici, nosioci izvršnih funkcija i savjetnici ne smiju koristiti javnu funkciju za ličnu dobit lica koje je sa njima povezano. Izabrani dužnosnici, nosioci izvršne



funkcije i savjetnici ne smiju biti ni u kakvom odnosu zavisnosti prema licima koja bi mogla uticati na njihovu objektivnost.

- (3) U vršenju javne funkcije izabrani i imenovani dužnosnici, nosioci izvršnih funkcija i savjetnici ne smiju svoj privatni interes stavljati iznad javnog interesa.
- (4) Zabrana korumpiranog djelovanja: izabrani i imenovani dužnosnici, nosioci izvršnih funkcija i savjetnici ne smiju u obavljanju svoje dužnosti tražiti ili prihvatiti nedopuštenu korist za obavljanje svojih dužnosti.
- (5) Transparentnost i javna kontrola: obavljanje svih javnih funkcija bit će transparentno i podliježe javnoj kontroli.

Član 3. (Pojmovi)

Izrazi korišteni u ovom Zakonu imaju slijedeće značenje:

- a) „**izabranim dužnosnicima**“ smatraju se zastupnici u Skupštini Kantona Sarajevo (u daljem tekstu: Skupština) i vijećnici u Gradskom vijeću Grada Sarajevo i općinskim vijećima općina na teritoriji Kantona Sarajevo;
- b) „**nosiocima izvršnih funkcija**“ smatraju se premijer Kantona Sarajevo i članovi Vlade Kantona Sarajevo, gradonačelnik Grada Sarajevo i općinski načelnici općina na teritoriji Kantona Sarajevo, te direktori i zamjenici direktora agencija i fondova, članovi skupština, upravnih i nadzornih odbora direkcija, zavoda, javnih ustanova, javnih preduzeća i drugih institucija u Kantonu Sarajevo koji su izabrani i imenovani, ili je za njihov izbor ili imenovanje data saglasnost od zakonodavnog organa Kantona Sarajevo ili Gradskog i općinskih vijeća ili Vlade Kantona Sarajevo (u daljem tekstu: Vlada);
- c) „**savjetnicima**“ se smatraju savjetnici izabranih dužnosnika i nositelja izvršnih funkcija koji se imenuju po *lex specialis* propisima;
- d) „**članovima porodice**“ se smatraju braćni i izvanbraćni drug, djeca, djeca bračnog druga, roditelji, usvojlac, usvojenik, braća i sestre;
- e) „**institucija**“ u smislu stava (1) tačke b) ovog člana je svaki subjekt kojeg je osnovao Kanton Sarajevo, koji vrši javna ovlaštenja i koji ima svojstvo pravnog lica;
- f) „**imovinu**“ predstavljaju stvari i prava koja je stekao izabrani dužnosnik, nositelj izvršnih funkcija i savjetnik, a obuhvata sve stvari i prava, a posebno nekretnine i pokretnine, potraživanja, poslovne udjele, vrijednosne papire, novac, umjetnine, plemenite metale i drago kamenje u njegovom vlasništvu ili vlasništvu njegovog člana porodičnog domaćinstva;
- g) „**poslovni udjel**“ u smislu stava (1) tačke f) ovog člana je ulaganje novca, stvari i prava u vlasničku strukturu preduzeća;
- h) „**poklon**“ predstavlja svaku isplatu, djelovanje, uslugu ili predmet od vrijednosti učinjene izravno primatelju, bez naknade ili očekivanja naknade. Pokloni primljeni od bliskog srodnika, kao i pokloni čija vrijednost ne prelazi 200,00 KM nisu obuhvaćeni ovim Zakonom;
- i) „**protokolarni poklon**“ smatra se poklon darovan od predstavnika stranih zemalja i međunarodnih organizacija prilikom službenih posjeta.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



POGLAVLJE II – NADLEŽNOST, OBAVEZE I NADZOR NAD PROVEDBOM ZAKONA

Član 4.

(Nadležni organ za provedbu Zakona)

- (1) Ured za borbu protiv korupcije i upravljanje kvalitetom Kantona Sarajevo (u daljem tekstu: Ured) i Komisija za nadzor su nadležna tijela za provedbu Zakona.
- (2) Vlada će u roku od 30 dana od stupanja na snagu ovog Zakona, na prijedlog Ureda, donijeti Uredbu o uspostavljanju i vođenju registra imovine o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo kojim će se urediti uspostavljanje jedinstvene evidencije, način vođenja registra, subjekti upisa, sadržaj i forma potrebne dokumentacije, unos, čuvanje i zaštita prikupljenih podataka (u daljem tekstu: Registar).

Član 5.

(Nadležni organ za prikupljanje, kontrolu i obradu podataka u Registru)

- (1) Nadležni organ koji prikuplja, kontrolira i obrađuje podatke u Registru je Ured.
- (2) Ured ima obavezu da vrši:
 - a) prijem i registraciju izvršenih prijava;
 - b) unošenje i ažuriranje podataka u Registar;
 - c) arhiviranje podataka na period od pet godina od vremena završetka ili razrješenja sa funkcije;
 - d) uništavanje podataka nakon isteka roka od pet godina od vremena završetka ili razrješenja sa funkcije;
 - e) kontrolu podataka i imovine;
 - f) evidentiranje i kontrolu poklona.

Član 6.

(Nadzor nad provedbom Zakona)

- (1) Skupština imenuje Komisiju za nadzor provedbe Zakona (u daljem tekstu: Komisija).
- (2) Komisija provodi nadzor u svrhu otklanjanja nepravilnosti, sprečavanja zloupotreba i prikupljanja informacija s ciljem osiguranja transparentnosti i zakonitog postupanja lica koja su predmetom ovog Zakona.
- (3) Komisiju čine predsjednici svih stranačkih klubova zastupnika i predstavnici parlamentarnih grupa u Skupštini, dva predstavnika organizacija civilnog društva koje u sklopu svojih aktivnosti djeluju na polju suzbijanja korupcije i osiguranju transparentnosti rada vlasti, te dva predstavnika akademske zajednice.
- (4) Članove Komisije predlažu i imenuju poslanici Skupštine, a mandat članova Komisije traje do izbora novog saziva Skupštine.
- (5) Ured podnosi izvještaje Komisiji svaka tri mjeseca gdje informiše članove Komisije o radu, prikupljenim informacijama i uočenim nepravilnostima, a u skladu sa nadležnošću utvrđenom ovim Zakonom.
- (6) Ured u saradnji sa Komisijom priprema godišnji izvještaj koji podnosi Skupštini Kantona Sarajevo na usvajanje.



Član 7.

(Obaveze organa i institucija)

Organi i institucije u kojima su izabrani i imenovani dužnosnici, nositelji izvršnih funkcija i savjetnici imaju obavezu da:

- a) imenuju ovlašteno lice za prikupljanje podataka o prijavama imovine i poklona, koji dostavlja podatke Uredu radi unosa u Registar;
- b) obavještavaju Ured o izmjenama podataka iz tačke a) ovog člana u roku od 15 dana;
- c) obavještavaju izabrane i imenovane dužnosnike, nosioce izvršnih funkcija i savjetnike o ažuriranom stanju.

POGLAVLJE III – PRIJAVLJIVANJE IMOVINE, PRIHODA, MATERIJALNE DOBITI I FINANSIJSKIH OBAVEZA I POKLONA

Član 8.

(Imovina za prijavu)

- (1) Prijava sadrži detaljne informacije o imovini i prihodima, kao što su:
 - a) pravo vlasništva na nepokretnim stvarima u zemlji i inostranstvu;
 - b) pravo vlasništva na pokretnim stvarima koje podliježu registraciji kod nadležnih organa u u zemlji i inostranstvu;
 - c) pravo vlasništva na pokretnim stvarima u vrijednosti većoj od 5.000 KM;
 - d) dionice i udjeli u pravnim licima i drugi vrijednosni papiri;
 - e) depoziti u bankama i drugim finansijskim organizacijama, u zemlji i inostranstvu;
 - f) prava po osnovu autorskih, patentnih i sličnih prava intelektualne svojine;
 - g) finansijske obaveze prema fizičkim i pravnim licima, i
 - h) izvor i visina godišnjih novčanih prihoda.
- (2) Kada je imovina članova porodice odvojena, prijavljivanje se obavlja posebno za svakog člana sa registrovanom imovinom na njegovo ime i prilaže se prijavi lice koja ima obavezu za prijavljivanje.
- (3) U prijavi prihoda i finansijskih obaveza, izabrani dužnosnik, nosilac izvršne funkcije i savjetnik navodi iznos, vrstu izvora svakog prihoda, iznos i vrstu finansijskih obaveza.

Član 9.

(Prijavljivanje imovine prilikom preuzimanja dužnosti)

Izabrani i imenovani dužnosnik, nosilac izvršnih funkcija i savjetnik su obavezni da prijave imovinu iz člana 8. ovog Zakona, u roku od 30 dana od dana preuzimanja dužnosti.

Član 10.

(Godišnje prijavljivanje imovine)

- (1) Godišnje prijavljivanje imovine iz člana 8. obavezno se vrši tokom vremena obavljanja funkcije u periodu od 1. do 31. januara svake kalendarske godine.
- (2) Izabrani i imenovani dužnosnik, nosilac izvršnih funkcija i savjetnik je također obavezan da prijavi svaku promjenu u imovini čija vrijednost prelazi 5.000 KM koja se desi nakon ovog perioda 30 dana nakon te promjene.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



Član 11.

(Prijavljivanje imovine poslije završetka dužnosti ili razriješenja)

Izabrani i imenovani dužnosnik, nosilac izvršnih funkcija i savjetnik su obavezni da podnesu prijavu imovine iz člana 8. ovog Zakona, najkasnije 30 dana nakon završetka dužnosti po bilo kojem osnovu.

Član 12.

(Prijavljivanje na zahtjev Ureda)

Ured u svako vrijeme može da traži od izabranih i imenovani dužnosnika, nosilaca izvršnih funkcija i savjetnika da dostave traženu informaciju o imovini iz člana 8. ovog Zakona.

Član 13.

(Primanje poklona)

- (1) Izabrani i imenovani dužnosnik, nosilac izvršnih funkcija i savjetnik ne može tražiti niti primiti poklone ili druge pogodnosti za sebe, niti za svoje srodnike, za obavljanje svojih dužnosti, kao ni poklone koje utiču ili mogu uticati u obavljanje njegovih dužnosti, osim protokolarnih poklona.
- (2) Poklonom u smislu ovog Zakona smatra se lična korist u vezi sa vršenjem javne dužnosti, a podrazumijeva: stvari, prava, usluge bez naknade te neku drugu ličnu korist datu ili obećanu dužnosniku, nosiocu izvršne funkcije i savjetniku.
- (3) Poklon u vrijednosti do 200,00 KM izabrani i imenovani dužnosnici, nosioci izvršne funkcije i savjetnici mogu zadržati i ne trebaju ga prijaviti.
- (4) Poklonom u smislu stava (3) ovog člana smatra se i više poklona poklonjenih od istog lica u periodu od jedne godine.
- (5) Poklone iznad vrijednosti iz stava (3) ovog člana izabrani i imenovani dužnosnici, nosioci izvršne funkcije i savjetnici ne smiju zadržati već su ih obavezni prijaviti i predati organu vlasti u čije ime vrše povjerenu javnu dužnost.
- (6) Izabrani i imenovani dužnosnik, nosilac izvršne funkcije i savjetnik ne smije primiti novac, ček ili drugi vrijednosni papir bez obzira na iznos.
- (7) U slučaju sumnje o vrijednosti poklona izabrani i imenovani dužnosnik, nosilac izvršne funkcije i savjetnik dužan je zatražiti račun od davaoca poklona.
- (8) Vrijednost poklona je njegova tržišna vrijednost.
- (9) Primanje poklona prema st. od (1) do (8) ovog člana odnosi se i na lica koja bi primila poklon u korist izabranog i imenovani dužnosnika, nosioca izvršne funkcije i savjetnika s tim da takvo lice zna za primanje poklona.

Član 14.

(Protokolarni pokloni)

- (1) Protokolarnim poklonima smatraju se pokloni darovani od predstavnika stranih zemalja i međunarodnih organizacija prilikom službenih posjeta.
- (2) Odmah po prijemu, ili nakon povratka u zemlju, izabrani i imenovani dužnosnik, nosilac izvršnih funkcija i savjetnik koji je primio protokolarni poklon mora da obavijesti organ ili instituciju u kojoj vrši javnu funkciju.
- (3) Protokolarni pokloni postaju vlasništvo organa ili institucije u kojoj izabrani i imenovani dužnosnik, nosilac izvršnih funkcija i savjetnik obavlja dužnost.
- (4) Protokolarni pokloni i to: državni simboli, medalje i protokolarne oznake mogu se upotrijebiti tokom obavljanja službene dužnosti.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



Član 15.

(Registracija poklona)

- (1) Svi primljeni pokloni i njihova odgovarajuća vrijednost, kao i imena lica koje su dala i primila poklon, obavezno se registruju u Registru iz člana 5. ovog Zakona.
- (2) Odredbe ovog Zakona koje se odnose na proceduru i prijavu imovine kao i rokove za prijavu imovine, odnose se i na poklone.

POGLAVLJE IV – REGISTRACIJA I VOĐENJE PRIJAVA IMOVINE

Član 16.

(Sadržaj prijave)

- (1) Obrazac prijave mora da sadrži:
 - a) ime i prezime lica koje podnosi prijavu i njegovu funkciju,
 - b) ime i prezime članova porodice lica koje podnosi prijavu,
 - c) naziv organa ili institucije u kojoj je lice zaposleno/imenovano, adresu institucije, datum imenovanja na funkciju,
 - d) datum predaje prijave,
 - e) nepokretnu imovinu i njenu vrstu, površinu, porijeklo, njenu pretpostavljenu vrijednost i u čijem je vlasništvu, da li se radi o suvlasništvu i u kolikom procentu, vrstu i izvor sredstava kojima je kupljena ta imovina,
 - f) pokretnu imovinu i njenu vrstu, godinu proizvodnje ili kupnje, njenu pretpostavljenu vrijednost, i u čijem je vlasništvu, potpune podatke o dionicama u privrednim društvima ili nekoj drugoj instituciji, vrijednosnim papirima, finansijskim obavezama koje lice koje podnosi prijavu ima prema fizičkim i pravnim licima,
 - g) podatke o učešću u nadzornim odborima, upravnim odborima i slično, bez obzira da li se vrše uz naknadu ili bez naknade,
 - h) ukupne godišnje prihode podijeljene s obzirom na izvor prihoda,
 - i) ličnu izjavu kojom se pod punom moralnom, krivičnom i građanskom odgovornošću potvrđuje istinitost podataka u prijavi,
 - j) ličnu izjavu kojom se pod punom građanskom i krivičnom odgovornošću potvrđuje da ni jedan dio imovine nije izostavljen iz prijave,
 - k) potpis podnosioca prijave.
- (2) Pristup podacima koji se odnose na prijavljivanje imovine i poklona izabranih i imenovanih dužnosnika, nosilaca izvršnih funkcija i savjetnika se vrši saglasno odredbama Zakona o slobodi pristupa informacijama u Bosne i Hercegovine („Službeni glasnik Bosne i Hercegovine“, br. 28/00, 45/06, 102/09, 62/11 i 100/13)
- (3) Obrada ličnih podataka koji se nalaze u Registru se vrši saglasno sa Zakonom o zaštiti ličnih podataka Bosne i Hercegovine („Službeni glasnik Bosne i Hercegovine“, br. 49/06, 76/11 i 89/11-Ispravka).

POGLAVLJE V – KONTROLA PRIJAVLJENIH PODATAKA

Član 17.

(Kontrola prijavljivanja)

- (1) Ured vrši kontrolu prijavljivanja imovine i poklona izabranih i imenovanih dužnosnika, nosilaca izvršnih funkcija i savjetnika.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



- (2) Svaka prijava se provjerava u cilju utvrđivanja postojanja ili nepostojanja materijalnih grešaka ili pogrešno popunjenih prijava.
- (3) Ukoliko se utvrde materijalne greške ili greške u popunjavanju ili je prijava nepotpuna Ured obavještava podnosioca prijave koji je u roku od 15 dana od primanja obavještenja, obavezan da prijavu ispravi ili dopuni.
- (4) Ured je nadležan da vrši kontrolu podataka o imovini i izvore i vrstu prihoda kojima je imovina kupljena.
- (5) Ured je dužan da omogući uvid u sažetak izvještaja iz člana 6. stav (5) ovog Zakona.
- (6) U slučaju nesrazmjera između prihoda i imovine, kao i u slučaju osnova sumnje u istinitost podataka i zakonitosti načina na koji je imovina stečena, Ured je dužan o tome obavjestiti nadležno tužilaštvo.

Član 18.

(Obaveza davanja podataka)

- (1) Tokom vršenja kontrole i provjere prijava, Ured može da traži ili obrađuje podatke dobijene od svih fizičkih i pravnih lica, u skladu sa Zakonom o zaštiti ličnih podataka Bosne i Hercegovine.
- (2) Na zahtjev Ureda, banke i drugi subjekti, koji vrše bankarsku i finansijsku djelatnost na području Bosne i Hercegovine, obavezne su da daju podatke za ulaganja, račune i izvršene transakcije lica koje po ovom zakonu imaju obavezu prijavljivanja imovine.
- (3) Ured podatke iz stava (2) ovog člana može tražiti samo izuzetno, uz sačinjavanje posebne zabilješke o razlozima zbog kojih su traženi, o čemu je dužan posebno izvjestiti Komisiju u okviru tromjesečnih izvještaja.
- (4) Navedeni subjekti u st. (1) i (2) ovog člana, su obavezni da stave na raspolaganje tražene podatke u roku od 15 dana od podnošenja pismenog zahtjeva od strane Ureda.

POGLAVLJE VI – KAZNE ODREDBE

Član 19.

(Neprijavlivanje imovine ili davanje lažnih podataka o imovini)

- (1) Izabrani i imenovani dužnosnik, nosilac izvršnih funkcija i savjetnik koji ne prijavi imovinu ili poklon Uredu ili daje lažne podatke o imovini ili poklonu, u namjeri da prikrije podatke o imovini i poklonu, ima 15 dana da koriguje svoju prijavu ukoliko je do greške došlo slučajno u suprotnom krši obaveze utvrđene ovim Zakonom, a koja kršenja ne predstavljaju obilježja krivičnog djela, kaznit će se:
 - a) novčanom kaznom od 1.000 do 2.500 KM, za kašnjenje u godišnjem prijavljivanju imovine (član 10. stav (1));
 - b) novčanom kaznom od 10.000 do 20.000 KM, za neprijavlivanje imovine prilikom preuzimanja dužnosti (član 9.);
 - c) novčanom kaznom od 10.000 do 20.000 KM, za neprijavlivanje imovine na zahtjev Ureda (član 12.);
 - d) novčanom kaznom od 10.000 do 20.000 KM, za neprijavlivanje imovine poslije udaljavanja sa funkcije (član 11.);
- (2) Novčanom kaznom od 50.000 do 100.000 KM kaznit će se za prekršaj subjekt koji na zahtjev Ureda ne postupa saglasno sa članom 18. ovog Zakona.
- (3) Kako bi inicirala prekršajni postupak, Komisija obavještava nadležnog rukovoditelja ili instituciju, odnosno organ u kojoj izabrani dužnosnik, nosilac izvršnih funkcija i savjetnik radi ili



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



je radio.

(4) Ukoliko prekršaj utvrđenih obaveza iz ovog Zakona sadrži obilježja krivičnog djela, Ured podnosi krivičnu prijavu nadležnom tužilaštvu s obzirom na to da obrazac prijave imovine, stupanjem ovog Zakona na snagu, ima status službene isprave u skladu sa Krivičnim zakonom Federacije Bosne i Hercegovine („Službene novine Federacije Bosne i Hercegovine“, br. 36/03, 37/03, 21/04, 69/04, 18/05, 42/10, 42/11, 59/14 i 76/14).

Član 20.

(Zastarjevanje)

- (1) Postupak za primjenu sankcija vezano za kršenje ovog Zakona mora se pokrenuti u roku od pet godina od saznanja o kršenju Zakona.
- (2) Djela koja imaju obilježja krivičnih djela propisanih Krivičnim zakonom Federacije Bosne i Hercegovine zastarijevaju u skladu sa odredbama Krivičnog zakona Federacije Bosne i Hercegovine.

POGLAVLJE VII – PRELAZNE I ZAVRŠNE ODREDBE

Član 21.

(Donošenje podzakonskih propisa)

Vlada će, na prijedlog Ureda, u roku od 30 dana usvojiti Uredbu o uspostavljanju i vođenju registra imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo kojim će se urediti uspostavljanje jedinstvene elektronske evidencije, oblik vođenja registra, subjekti upisa, sadržaj i oblik potrebne dokumentacije, unos, čuvanje i zaštita prikupljenih podataka.

Član 22.

(Saradnja Ureda sa nadležnim organima)

Ured je dužan da ostvari saradnju sa Agencijom za prevenciju korupcije i koordinaciju borbe protiv korupcije, te da dostavlja sve potrebne podatke i informacije iz Registra, po zahtjevu Agencije, a u cilju sprečavanja korupcije, izrade i provođenja strategije za borbu protiv korupcije i akcionim planovima.

Član 23.

(Prijava imovine i poklona zatečenih izabranih i imenovanih dužnosnika, nositelja izvršnih funkcija i savjetnika)

Zatečeni izabrani i imenovani dužnosnik, nosilac izvršne funkcije i savjetnik su obavezni da prijave imovinu i poklone iz člana 8. ovog Zakona, u roku od 30 dana od dana stupanja na snagu ovog Zakona.

Član 18,

(Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj: 01-02-1656/19

23.01.2019.godine

SARAJEVO

**PREDSJEDAVALAČ
SKUPŠTINE KANTONA SARAJEVO**

Elmedin Konaković



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



O B R A Z L O Ž E N J E

I - PRAVNI OSNOV ZA DONOŠENJE ZAKONA

Ustavni i pravni osnov za donošenje ovog Zakona je član 18. stav 1. tačka b) Ustava Kantona Sarajevo ("Službene novine Kantona Sarajevo" br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17) kojim se propisuje da Skupština Kantona Sarajevo donosi zakone i druge propise u okviru izvršavanja nadležnosti Kantona.

II - RAZLOZI ZA DONOŠENJE ZAKONA

Donošenje ovog Zakona bi doprinijelo podizanju nivoa povjerenja građanki i građana u legitimno i nepristrasno funkcioniranje državne administracije, zakonodavnih i izvršnih organa i druge javne institucije.

Pri izradi ovog nacрта polazi se od preuzetih međunarodnih obaveza BiH, naročito onih iz Konvencije UN-a protiv korupcije. Ona u članu 7 stav 4 nameće obavezu državama članicama da u najvećoj mogućoj mjeri poštuju principe transparentnosti i da sprečavaju sukobe interesa u javnom sektoru, a član 20 se odnosi na nezakonito bogaćenje javnih funkcionera. Istovremeno se polazi od preporuka UN-a, Europske unije i Vijeća Europe u oblasti borbe protiv organizovanog kriminala, korupcije i pranja novca, posebno preporuka GRECCO-a. Razlozi za donošenje leže i u potrebi provođenja državne Strategije za borbu protiv korupcije 2015-2019 prema kojoj je jedan od ključnih starteških ciljeva unaprijeđenje normativnog okvira za borbu protiv korupcije, kao i implementacije definisanog cilja Strategije -za borbu protiv korupcije Kantona Sarajevo za 2018-2019 godinu koji glasi „Institucije Kantona Sarajevo, na čelu sa Vladom Kantona Sarajevo, će koordiniranim i sistemskim pristupom na planu eliminiranja ili smanjenja uzroka korupcije, otkrivanja i discipliniranja manifestirane korupcije, kao i saradnjom sa drugim institucijama i građanskim društvom na planu suprotstavljanja korupciji, unaprijediti integritet, efikasnost i odgovornost u javnom sektoru.“

III – PRAVNA RJEŠENJA

Član 1. – Utvrđuje šta je predmet Zakona.

Član 2. – Propisuje se principi djelovanja.

Član 3. – Propisuje pojmove izraza korištenih u Zakonu

Član 4. – Propisuje nadležni organi za provedbu Zakona.

Član 5. – Propisuje da je Ured nadležni organ za upravljanje i održavanje vođenja Registra.

Član 6. – Propisuje nadzor nad provedbom Zakona kroz Komisiju koju imenuje Skupština Kantona Sarajevo.

Član 7. – Utvrđuje obaveze organa i institucija u kojima su izabrani dužnosnici, nosioci izvršnih funkcija i savjetnici.

Član 8. - Propisuje koju imovinu su lica dužna prijaviti.

Član 9. – Propisuje obavezu prijavljivanja imovine prilikom preuzimanja dužnosti.

Član 10. – Propisuje obavezu godišnjeg prijavljanja imovine.

Član 11. – Propisuje obavezu prijavljivanja imovine poslije završetka dužnosti ili razrješenja.

Član 12. – Propisuje da Ured uvijek može tražiti od izabranih nosilaca izvršnih funkcija i savjetnika da dostave traženu informaciju o imovini.

Član 13. – Propisuje primanje poklona, šta se smatra poklonom i koji se poklon ne treba



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



prijavljivati.

Član 14. – Propisuje šta se smatra protokolarnim poklonom i čije je vlasništvo takav poklon.

Član 15. – Propisuje registraciju poklona.

Član 16. – Propisuje sadržaj obrasca i prijave.

Član 17. – Propisuje kontrolu prijavljenih podataka i obaveze Ureda.

Član 18. – Propisuje obavezu davanja podataka.

Član 19. – Propisuje sankcije za neprijavljivanje imovine ili davanje lažnih podataka o imovini.

Član 20. – Propisuje zastarjevanje za primjenu sankcija u roku od pet godina od navodnog kršenja Zakona i zastaru prema odredbama Krivičnog zakona FBiH.

Član 21. – Propisuje rok od tri mjeseca za donošenje Pravilniku o uspostavljanju i vođenju registra imovine izabranih dužnosnika, nosilaca izvršnih funkcija i savjetnika u Kantonu Sarajevo kojim će se urediti uspostavljanje jedinstvene elektronske evidencije, oblik vođenja registra, subjekti upisa, sadržaj i oblik potrebne dokumentacije, unos, čuvanje i zaštita prikupljenih podataka.

Član 22. – Propisuje saradnju Ureda sa nadležnim organima (Agencijom).

Član 23. – Propisuje obavezu zatečenih izabranih zvaničnika, nositelja izvršnih funkcija i savjetnika na prijavu imovine i poklona u roku od 30 dana od dana stupanja na snagu Zakona.

Član 18. - Propisuje stupanje na snagu Zakona osmog dana od dana objavljivanja u „Službenim novinama Kantona Sarajevo.”

IV – FINANSIJSKA SREDSTVA

Za provođenje ovog zakona nisu potreba dodatna finansijska sredstva iz Budžeta Kantona Sarajevo.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08-01 02-368/19 A.Š.
Sarajevo, 08.01.2019. godine

MINISTARSTVO PRAVDE I UPRAVE
KANTONA SARAJEVO

Predmet: Mišljenje na Nacrt zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo
Veza: vaš dopis, broj 03-06-02-316/19 od 08.01.2019. godine

Vežano za Vaš zahtjev za mišljenje na Nacrt zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo, u skladu sa članom 8 Pravilnika o proceduri za izrađu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo pravde i uprave je postupilo u skladu sa navedenim Pravilnikom i Ministarstvu finansija uz Nacrt zakona dostavilo na mišljenje popunjen i potpisan obrazac IFP-NF u kojem je data izjava da za provođenje ovog zakona nisu potrebna dodatna finansijska sredstva iz Budžeta Kantona Sarajevo.

Obzirom da za provođenje Nacrta zakona nije potrebno obezbijediti dodatna finansijska sredstva iz Budžeta Kantona Sarajevo, na navedeni Nacrt zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo, Ministarstvo finansija, sa aspekta fiskalne odgovornosti, nema primjedbi.

Dostaviti:

1. Naslovu
2. MF – Sektor za budžet i fiskalni sistem.
3. a/a

Pripremio: Adin Šendro, mr. oec.

Kontrolisale: Amina Močević, mr. oec.
Zejna Avdić, dipl. pravnik



MINISTAR
Močević



web: <http://mf.ks.gov.ba>
e-mail: mif@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62





Broj: 09-02-369/19
Sarajevo, 08.01.2019. godine

KANTON SARAJEVO
MINISTARSTVO PRAVDE I UPRAVE

PREDMET: Stručno mišljenje na nacrt Zakona o prijavljivanju, utvrđivanju porijekla i kontroli imovine izabраниh i imenovanih dužnosnika, nosilaca izvršnih funkcija i savjetnika Kantona Sarajevo.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18- Ispravka), Ured za zakonodavstvo Vlade Kantona Sarajevo, daje slijedeće

MIŠLJENJE

1. Ured za zakonodavstvo Vlade Kantona Sarajevo je mišljenja da je predmetna problematika trebala biti regulisana na nivou države Bosne i Hercegovine, međutim dugi niz godina po ovom pitanju nisu donijeti državni zakoni koji bi regulisali ovu oblast (izuzetak su odredbe čl. 15.7 i 15.8 Izbornog zakona Bosne i Hercegovine kojim se propisuje obaveza i način prijavljivanja imovinskog stanja kandidata i izabраниh dužnosnika, kao i nadležnost postupanja Centralne izborne komisije po ovim predmetima, a koje se nepotpuno primjenjuju isključivo u postupku primjene Izbornog zakona).

S obzirom da na nivou države ne postoji državni zakon koji bi bliže uredio ovu oblast, a u svrhu efikasne uspostave vladavine prava i borbe protiv korupcije, to podržavamo napore nosioca pripreme predmetnog materijala da ovo pitanje uredi kantonalnim zakonom, posebno iz razloga što je Kanton Sarajevo uspostavio efikasan sistem borbe protiv korupcije osnivanjem Ureda za borbu protiv korupcije i donošenjem posebne strategije u ovoj oblasti. Borba protiv korupcije je obaveza svih nivoa vlasti, pa tako i Kantona Sarajevo.

S tim u vezi, podržavamo stav nosioca pripreme predmetnog materijala da se donese Zakon o prijavljivanju, utvrđivanju porijekla i kontroli imovine izabраниh i imenovanih dužnosnika, nosilaca izvršnih funkcija i savjetnika Kantona Sarajevo (u daljem tekstu: Zakon), a posebno iz razloga koji su navedeni u obrazloženju predmetnog materijala.



Načrt Zakona može poslužiti kao polazna osnova u pripremi prijedloga predmetnog propisa.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50.17 Drugi novi prečišćeni tekst i 2/18- Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



SEKRETAR

Ahmed Ćubović, dipl.pravnik



PRILOZI

USTAV KANTONA SARAJEVO

(„Službene novine Kantona Sarajevo”, br. 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17)

Član 18. b).

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

Zakon o Vladi Kantona Sarajevo

(„Službene novine Kantona Sarajevo“, broj 36/14-Novu prečišćeni tekst i broj 37/14)

Član 26.

Vlada Kantona u ostvarivanju svojih nadležnosti utvrđenih ustavom donosi uredbu, odluku, rješenja i zaključke.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.